

畿輔通志卷二十九

表十四 職官五 明

明

總督經略總督薊遼保定等處軍務兼理糧餉一員嘉靖二十九
年置先是薊遼有警間遣重臣巡視或稱提督至是以
邊患益甚始置總督開府密雲轄順天保定遼東三巡撫兼
理糧餉萬曆九年加兼巡撫順天等處十一年復舊天啟元
年置遼東經略

經略之名起於萬曆二十年宋應昌督師經略
鎬至天啟元年又以內閣孫承宗督師經略

山海關
稱樞輔

崇禎四年併入總督

明史職
官志

總督宣大等處軍務兼理糧餉一員正統元年始遣僉都御
史巡撫宣大景泰二年宣府大同各設巡撫遣尙書石璞總
理軍務成化宏治間有警則遣正德八年設總制嘉靖初兼

轄偏保二十九年去偏保定設總督宣大山西等處銜三十

八年令防秋日駐宣府四十三年移駐懷來

同上

總督保定地方軍務一員崇禎十一年設

同上

經略使明制無專設有兵事則暫敕行事嘉靖中以易州昌

平通州爲三輔各置經略一員尋罷萬厯中倭侵高麗命都

御史以經略使督兵事尋罷天啟元年遼東置經略一員尋

并入總督

同上

謹案有明中葉總督名目不一而有總督薊州永平山

海通州天津諸鎮軍務名目有欽命督師總督薊遼昌通

等處節制登津撫鎮名目遼事急則移駐中後前屯關內

急則星馳入援三協有警則會同薊昌二督并力策應時

關內外並建二督而關外加督師銜地望尤尊又薊昌平

保定設二督於是千里之內有四督矣

巡撫順天等府地方兼整飭薊州等處邊備一員成化二年始專設都御史贊理軍務巡撫順天永平二府尋兼撫河間真定保定凡五府七年兼理八府八年以直隸地廣從居庸關中分設二巡撫其東爲巡撫順天永平二府駐遵化崇禎二年又於永平分設巡撫兼提督山海軍務其舊者止轄順

天

同上

巡撫保定等府提督紫荆等關兼管河道一員成化八年分居庸關以西另設巡撫保定真定河間順德大名廣平六府提督紫荆倒馬龍泉等關駐真定萬厯七年兼管河道

同上

巡撫宣府地方贊理軍務一員正統元年命都御史出巡塞北因奏設巡撫兼理大同景泰二年另設大同巡撫後復併

爲一成化十年復分設十四年加贊理軍務巡撫大同地方
贊理軍務一員初與宣府共一巡撫後或分或併成化十年

復專設加贊理軍務

同上

巡撫天津地方贊理軍務一員萬厯二十五年以倭陷朝鮮

暫設尋爲定制

同上

巡撫密雲地方贊理軍務一員崇禎十一年設

同上

謹案巡撫之名起於懿文太子巡撫陝西蓋暫一行之初

無定制永樂十九年命右都御史王彰巡撫河南爲有明

設巡撫之始是年復遣尙書蹇義諸人巡行天下安撫軍

民名曰巡撫事畢停遣後定爲都御史出使之職兼軍務

者加提督有總兵地方加贊理事重者加總督又有經略

總理整飭撫治巡視諸銜然必以都御史任之以便行事

蓋倣秦監郡御史唐巡按州縣御史之職而其秩較尊大略與元之行御史臺同

洪武十年詔遣監察御史巡按州縣洪熙元年又定巡按以八月出巡北直隸二人宣大一人同上

謹案巡按代天子巡狩所按藩服大臣府州縣官諸考察舉劾尤專大事奏裁小事立斷按臨所至凡一切政事得失軍民利病皆得直言無避有大政集闕廷預議焉

督學御史都察院十三道監察御史提督學校兩京各一人餘皆按察司副使僉事提督學道十三布政司各一員同上

謹案明制兩京督學以御史蓋兩京不設按察司故以御史督學兼重其選所以尊京畿則今制各省學政多以京官簡充實本諸此

長蘆巡鹽御史永樂十四年置景泰三年罷長蘆等處巡鹽

御史命撫按官兼理後復遣御史永爲定制

同上

長蘆都轉鹽運使司鹽運使洪武二年置長蘆一人

從三品同

知副使各一人判官無定員其屬經歷知事庫大使副使各一人所轄各場鹽課司大使副使各鹽倉大使副使各批驗

所副使大使各一人

同上

謹案長蘆處渤海之間素號盜藪私販蠶起而撓法永樂十四年始設御史以彈壓之然亦未嘗專設宣德間或數歲一巡巡畢卽回後復以巡河御史兼理正統元年差侍郎并御史一年兩巡未幾亦止差御史正統十一年令兼理山東鹽法中間或差侍郎或差都御史或以待郎而兼都御史嘉靖間凡六七遣焉給事中郭釐極論其不便乃

已及嚴氏專政差鄢懋卿以清理爲名實則加課商竈騷然隆慶二年再差都御史者三閣下論之罷其二萬厯間雖不遣而內監張華輩用事凡正差巡鹽章奏多不得奉明旨及天崇而益弊矣

順天府府尹一人

正三品

府丞一人

正四品

治中一人

正五品

通判

六人

正六品嘉靖後革三人

推官一人

從六品

儒學教授一人訓導一人

其屬經歷知事照磨檢校各一人所轄大興宛平二縣各知

縣一人

正六品二縣職掌如外縣以近蒞輦下故品秩特優

縣丞二人

正七品

主簿無定

員典史司獄各一人都稅司大使副使各一人宣課司

凡四正陽

門外正陽門張

稅課司

凡二安定門外安定門

各大使一人稅課分司

家灣蘆溝橋

凡二崇文門德勝門

各副使一人遞軍所批驗所各大使一人

同上

謹案順天府卽舊北平府洪武二年置北平行省九年改

爲北平布政司皆以北平爲會府永樂初改爲順天府十年陞爲府尹設官如應天府初永樂四年成祖往北京置行部尙書備行在九卿印以從是時皇太子監國政本在南京十八年遷都北京官屬悉移而北改京師爲南京北京爲京師

承宣布政使司布政使

北平一人
從二品

洪武九年罷行省改參知

政事爲布政使司宣德三年除兩京不置

南直隸
北直隸

定爲十三

布政使其時未置巡撫故初設藩司與六部均重布政使入

爲尙書侍郎副都御史每出爲布政使宣德正統間猶然自

後無之

同上

提刑按察使司按察使

北平一人
正三品

吳元年置各道按察司十

五年置天下府州縣按察分司以儒士王存忠等爲試僉事

人按二縣十六年罷二十九年改置按察分司爲四十一道

北平二曰燕南道燕北道洪武
二十九年以保定隸燕南道
宣德五年除兩京不置共爲

十三按察使

同上

布政司參政參議分司諸道按察司副使僉事分司諸道各
省均設其有因事添設者各省不等兩京不設布按無參政
參議副使僉事後置守巡無所屬則寄銜於鄰近布按司官
其北直隸之道寄銜於山東者則爲密雲道大名道天津道
霸昌道寄銜於山西者則爲易州道口北道昌平道并陘道
薊州永平等道

同上

謹案明初制恐守令貪鄙不法故於直隸府州縣設巡按
御史各布政司所屬設試僉事已罷試僉事改按察分司
四十一道此分巡之始也分守起於永樂間每令方面官

巡視民瘼後遂定右參政參議分理各屬府州縣兵道之
設昉自洪熙間以武臣疏於文墨遣參政副使沈固劉紹
等往各總兵處整理文書商確機密未嘗身領軍務也至
宏治中本兵馬文升慮武職不修議增副僉各一員又案
明制直隸監司俱曰兵備道嘉靖前惟三關四鎮設監軍
副使其後腹裏諸郡亦均有設者萬厯天啟崇禎間增置
愈多然旋置旋罷駐劄亦無定所

知府一人

正四品同知正五品

通判無定員

正六品

推官一人

正七品

武三年設

其屬經歷知事照磨檢校司獄各一人明初改諸路爲

府洪武六年分天下府三等糧二十萬石以上爲上府秩從
二品三十萬石以下爲中府秩正四品十萬石以下爲下府

秩從四品後皆改爲正四品

同上

明不設州刺史而州次於府各置官屬知州一人從五品同知

從六品判官無定員從七品其屬吏目一人從九品明置州有二有

屬州有直隸州屬州視縣直隸州視府而品秩則同同知判

官俱視其州事之繁簡以供厥職同上

知縣一人正七品縣丞一人正八品主簿一人正九品其屬典史一

人明初縣分三等糧十萬石以下爲上縣秩從六品六萬石

以下爲中縣秩正七品三萬石以下爲下縣秩從七品後皆

改爲正七品同上

府儒學教授一人訓導四人州學正一人訓導三人縣教諭

一人訓導二人明初置儒學提舉司洪武二年詔天下府州

縣皆立學十三年改各州學正爲未入流先是從九品二十四年

定儒學訓導位雜職上三十一年詔天下學官改授旁郡州

縣正統元年始設提督學校官又有行都司儒學

洪武二十三年置

平衛儒學

洪武二十三年置大甯等衛始

以教武臣子弟俱設教授一人訓

導二人

同上

巡檢司巡檢副巡檢

俱從九品

主緝捕盜賊盤詰奸偽凡在外各

府州縣關津要害處俱設俾率徭役弓兵警備不虞始設於

關隘衝要之處後遂各處增置十三年特賜敕諭之尋改爲

雜職

同上

五軍都督府明置中軍左軍右軍前軍後軍五都督府每府

置左右都督

正一品

都督同知

從一品

都督僉事

正二品

其屬經歷

都事各一人都督府掌軍旅之事各領其都司衛所以達於

兵部永樂元年設北京留守

謹案前代留守司均兼尹牧之任皆文職也明則留守爲武職

官秩同

行後軍都督府置官同後又分五府稱行在五軍都

督府十八年降行在字洪熙元年仍設行後府

同

謹案明之武職惟五府都督位尊而任重在內則掌各衛之軍政在外則充將軍總兵洪武永樂時參軍遊擊把總亦率以都督充之故總兵副總兵參將遊擊將軍守備把總無品級無定員獨鎮一方無所統轄中葉而後五府皆爲恩廕寄祿之官官無定額而命職亦不若洪武時之鄭重矣

鎮守薊州總兵官一人舊設隆慶二年改爲總理練兵事務

兼鎮守駐三屯營協守副總兵三人

東路副總兵隆慶三年添設駐建昌營管理燕

河營臺頭營石門寨山海關四路中路副總兵萬曆四年改設駐三屯營管帶馬蘭峪松棚峪喜峰口太平寨四路西路

副總兵隆慶三年添設駐石匣營管理牆子嶺曹家寨古北口石塘嶺四路

分守參將才一人通

州參將日山海關參將日石門寨參將日燕河營參將日臺頭營參將日太平寨參將日馬蘭峪參將日牆子嶺參將日

古北口參將曰石塘嶺
遊擊將軍六人統領南兵遊擊將軍
參將曰喜峰口參將

三人領班遊擊將軍七人坐營官八人守備八人把總一人

提調官二十六人

同上

謹案薊鎮京師左輔也明初設大甯都司營州等衛與遼
東宣府東西並建爲外邊又起古北口至山海關增修關
隘爲內邊永樂間移大甯都司於保定散置營州等衛於
順天之境以其地處兀良哈降彝分建朵顏泰甯福餘三
衛每年朝貢互市永爲藩籬自後部落日蕃彝情謬詐往
往嚮導以入犯嘉靖中入古北口徑薄京城因於薊鎮增
設總督將領調各鎮入衛春秋防守視他邊尤爲嚴切
鎮守昌平總兵官一人舊設副總兵又有提督武臣嘉靖二
十八年裁副總兵以提督改爲鎮守總兵駐昌平城聽總督

節制分守參將三

曰居庸關參將曰黃花鎮參將曰橫嶺口參將

遊擊將軍二人坐

營官三人守備十人提調官一人

同上

鎮守保定總兵官一人宏治十八年初設保定副總兵後改

為參將正德九年復為分守副總兵嘉靖二十年改為鎮守

三十年改設鎮守總兵官萬厯元年令春秋兩防移駐浮圖

峪遇有警移駐紫荆關以備入援分守參將四人

曰紫荆關參將曰龍

固二關參將曰馬水口

參將曰倒馬關參將遊擊將軍六人坐營中軍官一人守

備七人把總七人忠順官二人

同上

鎮守宣府總兵官一人

曰鎮朔將軍

舊設駐宣府鎮城協守副總

兵一人

副總兵舊亦駐鎮城嘉靖二十八年移駐永甯城

分守參將七人

曰北路獨石馬營參

將曰東路懷來永甯參將曰上路萬全右衛參將曰南路順聖蔚廣參將曰中路葛峪堡參將曰下西路柴溝堡參將

曰南山

遊擊將軍三人坐營中軍官二人守備三十一人領

班備禦二人萬歷八年革同上

謹案總兵官總鎮一方者為鎮守獨鎮一路者為分守各守一城一堡者為守備與主將同守城者為協守又有提督提調巡視備禦領班備倭等名凡總兵副總兵率以公侯伯都督充之其總兵掛印稱將軍者直隸惟宣府日鎮朔將軍嘉靖間改保定副總兵為總兵萬歷間又增設山海總兵至崇禎時之添設益紛不可紀矣

都指揮使司都指揮使一人正二品都指揮同知二人從二品都

指揮僉事四人正三品其屬經歷正六品都事正七品斷事司斷事

正六品副斷事正七品吏目各一人司獄倉庫草場大使副使各

一人行都指揮使司設官與都指揮使司同都司掌一方之

軍政各率其衛所以隸於五府而聽於兵部同上

衛指揮使司設官如京衛品秩並同外衛各統於都司行都司或

留守司率世官或有流官凡襲替陞授優給優養及屬所軍

政掌印僉書報都指揮使司達所隸都督府移兵部同上

所千戶所正千戶一人正五品副千戶二人從五品鎮撫二人從六品

品其屬吏目一人所轄百戶所凡十共百戶十人正六品升授改調增

置無定員總旅二十人小旅百人其守禦千戶所軍民千戶所設

官並同其守禦千戶所不隸衛而自達於都司凡衛所皆隸

都司而都司又分隸五軍都督府大甯都司萬全都司隸後軍都督府明初置

千戶所設正副千戶鎮撫百戶又立各萬戶府設正副萬戶

知事照磨尋以名不稱實遂罷萬戶府而設指揮使及千戶

等官同上

謹案明制都指揮使爲都衛節制方面職係甚重凡朝廷